



Broj:
Сarajevo, 16.3.2016.

Parlamentarni vojni povjerenik BiH razgovarao s vojnim atašeom SAD-a u BiH

Parlamentarni vojni povjerenik BiH Boško Šiljegović razgovarao je danas u Sarajevu s vojnim atašeom u Ambasadi Sjedinjenih Američkih Država (SAD) u Bosni i Hercegovini brigadirom Markom Karasom o dosadašnjim rezultatima rada institucije parlamentarnog vojnog povjerenika BiH na polju zaštite ljudskih prava i osnovnih sloboda pripadnika Oružanih snaga Bosne i Hercegovine (OSBiH).

Šiljegović je tokom razgovora naglasio određene elemente iz prošlogodišnjeg izvještaja o radu parlamentarnog vojnog povjerenika BiH, koji je usvojila Zajednička komisija za odbranu i sigurnost BiH i o čijem sadržaju u narednom periodu treba da se izjasne i oba doma Parlamentarne skupštine BiH. Parlamentarni vojni povjerenik BiH apostrofirao je oblasti u kojima je zabilježen najveći stepen kršenja ljudskih prava vojnih lica i kadeta u OSBiH.

Šiljegović je Karasa upoznao i sa učešćem pripadnika OSBiH u misijama podrške miru u inozemstvu, kao i o doprinosu koji su njeni pripadnici dali kroz pomoć civilnom stanovništvu tokom vanrednih situacija u našoj zemlji, ne umanjujući pri tome značaj i doprinos OSBiH u oblasti humanitarnog deminiranja.

Brigadir Karas izrazio je zadovoljstvo činjenicom da je Bosna i Hercegovina, kroz djelovanje institucije parlamentarnog vojnog povjerenika, sistemski uredila proces zaštite ljudskih prava i sloboda uniformiranih lica u Ministarstvu odbrane BiH i u OSBiH. Vojni ataše SAD-a pohvalio je profesionalan odnos pripadnika OSBiH koji učestvuju u misijama mira u inozemstvu, kao i vojnih lica koja neposredno pomažu civilnom stanovništvu tokom vanrednih situacija u našoj zemlji.

Karas je posebno izrazio interes da u narednom periodu, zajedno s parlamentarnim vojnim povjerenikom BiH, učestvuje i u jednoj od terenskih posjeta jedinicama i komandama OSBiH kako bi se neposredno upoznao s radom institucije parlamentarnog vojnog povjerenika na polju zaštite osnovnih ljudskih prava i sloboda vojnih lica i kadeta OSBiH.